

S. D. N.
PAVLI PP. V.

Relaxatio suspensionis , & habilitatio ad sacros
etiam Presbyteratus Ordines vsque ad
numerus centum Sacerdotum ,

Et ad Subdiaconatus, & Diaconatus vsq; ad numerum vigin-
tiquatuor Fratrum Congreg. Iesuatorum S. Hieronymi.



ROMAE, M. DC. VIII.
Ex Typographia Reuerenda Camera Apostolica.

PAVLI PP. V.

Religio suspensio, & solutio ad hoc
 etiam Presbyterum, & alios, &
 numerum eorum, & conditionum,

Et ad Substantiam, & Dignitatem, &
 ipsorum Praeterea Congressus, & aliorum,



PAVLI PP. V.

PAVLVS PP. V.



D PERPETVAM REI MEMORIAM. Scilicet

Apostolicæ providentia circumspecta, quandoq; religiosam vitam agentibus & cõcedit, & indulget, quæ regularibus eorum institutis verita erant, prout maturo desuper habito consilio eorum animarum saluti, & religionis propagationem in Domino iudicat expedire. Sanè cum alijs Fratres Congregationis Iesuatorum ex vetustissimo, semperq; obseuato instituto, etiam post emissam per eos in dicta Congregatione professionem regularem Sacris Ordinibus initiari non cõsue-

uissent, ac se: rec. Gregorius xiii. ac Clemens viii. Prædecessores nostri per suas literas confirmassent decretum à bo. me. Gabriele Episcopo Albanen Paleotto, & Nicolao tt. S. Praxedis Presbyteris Cardinalibus Senonen nuncupatis; necnon, & Cæsare Episcopo Cremonen editum, per quod statuerant, vt dictæ Congregationis fratres, qui eo tempore ad Sacros Ordines promoti reperiebantur, ab illorum executione in perpetuum suspensii essent, quodq; de cætero sub poena perpetui carceris ad huiusmodi ordines quisq; dictorum Fratrum promoueri, aut ad hunc effectum literas dimissorias concedere non posset: Nos iustis de causis animum nostrum mouentibus, de consilio Ven. fratrum nostrorum S. R. E. Cardinalium super Consultationibus & negotijs Episcoporum & regularium deputatorum suspensionem ab executione ordinum factam, omnibus & singulis eiusdem Congregationis Religiosis qui ad ordines etiam Sacros, & Presbyteratus alijs tamen ritè promoti erant, itaut quilibet eorum in susceptis ordinibus deinceps quoadiuiceret, etiam in Altaris ministerio ministrare, & non susceptos suscipere, ac in illis pariter ministrare liberè posset, relaxauimus, ac illos omnes & singulos ad ministrand in susceptis ordinibus, arque ad ascendend ad superiores, & non susceptos ordines rehabilitauimus. Præterea, vt comprehensis supradictis iam ad Sacros Ordines promotis, alij eiusdem Congregationis Religiosi vsq; ad completum numerum centum, dumtaxat in tota Congregatione prædicta ad omnes etiam Sacros, & Presbyteratus ordines promoueri, & promoti in illis, etiam in Altaris ministerio ministrare, dummodò tamen prauio diligenti examine ad id idonei reperti essent, licentiam cõcessimus, alijsq; volumus, & ordinauimus, prout in nostris desuper confectis literis plenius continetur. Cum autem, sicut dilecti filij Visitatores, & alij Superiores, ac fratres dictæ Congregationis per dilectum etiam filium Isidorum Venetum Fratrem, & Procuratorem generalem eiusdem Congregationis nobis nuper exponi fecerunt, pro diuini cultus in ipsa Congregatione augmento maximè expediat, vt aliqui ex illius Fratribus ad Subdiaconatus, & Diaconatus Sacros ordines promoueantur, qui gradatim in locum demortuorum Presbyterorum statim sufficiantur. Ideò Visitatores, & Superiores, ac Fratres prædicti Nobis humiliter supplicari fecerunt, vt in præmissis providere de benignitate Apostolica dignaremur. Nos igitur prædictarum literarum tenores præsentibus pro sufficienter expressis habentes, huiusmodi supplicationibus inclinati, De eorumdem S. R. E. Cardinalium consilio. vt vltra centum dictæ Congregationis Fratres in Presbyteratus ordine constitutos, alij duodecim ad Subdiaconatus, ac alij etiam duodecim ad Diaconatus Sacros Ordines de Superiorum suorum licentia modo & forma in prioribus nostris literis expressis promoueri, & promoti in illis, etiam in Altaris ministerio ministrare, Ita q; quãdo aliqui ex numero promotorum huiusmodi è viuis decesserint alij in mortuo-

rum

rum locum substituantur, Apostolica auctoritate, tenere præsentium licentiam concedimus, & indulgemus. Non obstat literis Gregorij & Clementis Prædecessorum prædictorum, & quibuscumque alijs prohibitionibus, necnon Constitutionibus & ordinationibus Apostolicis, ac dictæ Congregationis, etiam iuramento, confirmatione Apostolica, vel quavis firmitate alia roboratis statutis, & consuetudinibus, privilegijs quoque indultis, & literis Apostolicis in contrarium præmissorum quomodolibet concessis, confirmatis, & approbatis. Quibus omnibus & singulis eorum tenores præsentibus pro expressis, & ad verbum insertis habentes, hac vice dumtaxat, & ad effectum præmissorum specialiter, & expressè, ac lausissimè derogamus, cæterisque contrariis quibuscunque. Volumus autem ut præsentium transcriptum etiam impressis manu alicuius Notarij publici subscriptis, & sigillo personæ in dignitate Ecclesiastica constitutæ munitis eadem prorsus fides adhibeatur ubique, quæ præsentibus exhiberetur si forent exhibitæ, vel ostensæ. Dat. Romæ apud Sanctum Petrum sub Annulo Piscatoris, die xij. Martij M. D. C. VIII. Pontificatus Nostri Anno Tertio.

Scipio Cobellutius.